

Nos Antepasadonan...

Antonia Lacleé-Koolman

(Juffrouw Mosa)



Antonia Lacleé-Koolman, cariñosamente jamá Juffrouw Mosa, a nace dia 10 di Mei 1895. Tempo e tabata mucha e tabata bai scol na Santa Cruz, anto tur dia na pia. Na principio el a haya les cerca Shon Piet, un di e prome maestronan di Aruba. Despues el a cuminsa haya les na Savaneta mes, cerca soeurnan Franciscanessen. Ta e soeurnan aki mes a instrui Juffrouw Mosa pa bira maestra.

Hunto cu'ne tabata tin un otro Arubiano, esta Maria Martha Thijsen, kende despues a bira soeur Vicenta na Curaçao. Tempo cu nan mester a pasa examen a bin tres maestro for di Hulanda. Un di nan tabata Piet van Leeuwen. Examennan a tuma lugar na Playa. Pastoor di Savaneta a hiba Mosa y Maria den su wagen lastrá pa cabay (kitrin). E examen mes a wordo mandá pa Hulanda pa "kijk na" y mas despues e ta jega bek hunto cu e diploma.

Como regalo pa nan exito cu e examen nan a ricibi un oloshi y despues a bai come na cas di Pastoor.

Tempo cu Juffrouw Mosa a cuminsa para dilanti di klas e tabata tin solamente 16 aña. Su tata mester a pidi gobierno permiso pa e por traha asina hoben. Cu su amiga Maria tambe a pasa algo similar. Maria no por a cobra salario pasobra e tabata mucho jong. E tabata traha por nada. Pero Mosa tabata parti su salario cu Maria te dia cu esaki a jega e edad pa e cuminsa cobra.

Antonia a tene scol na Savaneta durante 11 aña. Diez aña como soltera y un aña siendo casá. Na 1942 - durante segunda guerra mundial - Juffrouw Mosa, ja cu 47 aña, a bolbe tene scol. Tabata tin scarsedad di maestra y Mosa mester a keda te dia cu nan a haya un maestra fiho.

E klasnan di e tempo ey tabata tin hopi mucha, homber y muher hunto. Mosa tabata tin e eerste klas cu un cantidad di 111 mucha! Di esakinan 87 a bai over!

Antes e muchanan tabata hopi mas disciplina cu awor. Ora bel bati nan ta bai para den rij y keto, sin papia of pusha. Riba señal di juffrouw nan ta drenta klas y keda pará banda di nan banki. Riba otro señal nan ta bisa: "Goede morgen, juffrouw", despues buig y sinta keto-keto.

E lesnan mes tabata casi mescos cu awor: taal, rekenen, aardrijkskunde, etc. Vakantienan tabata un paar di dia so.

E edificio caminda Juffrouw Mosa a cuminsa traha ta existi ainda - e actual edificio di Funari na Savaneta.

Juffrouw Mosa tabata un persona masha stima na Savaneta. Pa su bon trabao y dedicacion el a wordo condecorá pa La Reina cu e medaya di oro.

Juffrouw Mosa a casa dia 2 di Februari 1921 cu Juan Fransisco Lacleé. For di e matrimonio aki a nace 8 jiu. Un di nan el a duna e nomber di un soeur cu a siñ'e pa bira maestra di scol: Soeur Farelda. El a biba hopi largo y a conoce total 12 nieto(a), 18 bisa-nieto(a) y 1 sobre-nieto. Juffrouw Mosa a fayece dia 5 di October di 1995, na edad di 100 aña y 5 luna.

LONCO LECHI

E Bon Lechi

naartoe

Agente: Prosalco N.V.



Chabalito

Number 7 - Año IV
Maart, 2002 - Afl. 2,=



di e solo!

